

CHOKWE Heart Book



COPYRIGHT
ISBN 0-908412-99-1

E-MAIL: info@angp.co.za
ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.

(Une Mission de Littérature évangélique financée de dons) (Reg. No. 1961/001798/08)

Mbunge ya Mutu
Shina Tembele ya Zambiya, shina oficina ya Satana.
1 Yoano 3:4-10

Mukanda uno hi waha ko. Aliangile kuusoneka ku chifuchi cha França, ku miaka lume, kushakulu. Kuwaneha kuwaha chinji ni pangu kuli tununu twa atu. Mukanda uno unapu ngwe katalilo kuli atu muze anahase kumona ayo ene chizechene ngwe Zambiya kakwamona. Muno mwene anji, amwene mbunge jo jipi ni hazehene alikonyekene. Atambwile jaha ni espirito yaha.

Shimbu uchili nikutanga mukanda uno, ushinginyeke' kama, "mukanda uno katalilo kakungulweza chize yami nguli.e Chipwe uli mukwa mahamba, hanji mukwa Kristu, chipwa mukwa kuhambuluka ku jila ya Zambiya muwana kulifw. Che chizechene Zambiya kakukumona. Zambiya keshi katonde Zambiya keshi kutala ku mujimba wa mutu hanji ku ulombo wa chikowa, kukutala ku mbunge ya mutu.

Tato wa akwa mahuza mwe Satana. Iye mwanangana wa milima ni Zambiya wa hashi hano. Kanahase kulialamuna mu kulifwa cha mungelo wa pangu, alioze mwene hi mungelo ko wa pangu. Amwe atu kakumushinginyeka ngwe mungelo wa pangu alioze kanaliongo, ni amwe kakufundumuka muze twakwalongesa chize anapu mwe Satana. Ashakulu apwile aprofeta akwonga waze alumukine mukulifwa cha angelo a pangu ni musono chizechene. 2 Kor. 11:13,14. Satana kakufuka meso ni mbunge ja atu, kuchina mamona Yesu Kristu Chilamwina cho. 2 Kor. 4:4. Atu waze aapwishile tupuputa kuli Zambiya wa hashi hano, kamwene ngwe kumanyi kanayi fujifuji ku mbongo ya lamba yakulekwoka ni kahia ni fundanga, alioze anapu ngwe afu kuli Zambiya. Kanaayulu ku espiritu ya Zambiya wa mwakono, mwe Satana. Efes. 2:2.

Ha chikuma chenacho wasolokele Mwana Zambani hanga ashihaye yitanga ya Satana. 1 Yoano 3:8. Zeyelenu kashika kuli Zambani. Litachikenu ni Satana kumakachina. Kundamenu kuli Zambani. Iye kumakakundama kuli yena. Tiangu 4:7,8.

Shimbu uchili nikutanga mukanda uno nikutala ku yizulie yawo, unatale mu mbunge ye. Tayize maliji a mukanda kuhengula mu mbunge ye hanga unyingike chize yapwa mbunge ye. Nyi unayiwana yipi kanda uchisweka; tayiza lume, ushikise milonga ye. Nyi mutwamba ngwetu, kutushi milonga, tunalongo, umwenemwene kuushimo muli yetu. Kachi mutushikisa milonga yetu, kachi iye wamwenemwene, iye mukwa ululi kutukonekena milonga yetu ni kutupemesa ku uhenge weswe. Kachi mutwamba ngwetu, kutwavulumwine, kachi mutumupwisa mukwa mahuzi, ni liji llienye kulishimo muli yetu. 1 Yoano 1:8-10. Lilelesa kushi lia kwoko lia tachi lia Zambani hanga akukonekene milonga ye, akakupemese ku manyinga a Yesu Kristu.

Shina kanakuyulu kuli Zambani shina kuli Satana. Uli kapinji ka shili; nyi ka, uli kambaji ka Zambani. Nyi shili yinakuyulu, kanda ukalikala. Shina teta kuli Zambani mba kumakakutusula kuli Yesu Kristu yoze wejile mu kulamwina akwashili, mu kulawisa afwa meso, mu kutuchiza ku milima ni kuchiza ye milima muli yetu. Mwenawo wejile mu kutuneha ku pangu lienye lipema ni kututusula ku tachi ja milonga ni Satana... Muli iye tuli ni ulamwino ku milonga yetu.

Nyingika ngwe kwahashile kuswama ku meso ja Zambani. Kwahashile kuswamisa milonga ye. Unamana ku meso ja Zambani, mukwa kulinanga ku milonga.

Kakumona ni kunyingika yitanga ye yipi ni manyonga je api. Yoze watanga twitwi keshi kwivwa? Yoze wesekele liso keshi kumona? Sal. 94:9. Mumu meso Jenye ha majila ja atu ali, Kakumona kwenda chenye. Mumu milima yakuhi hanji chizulie cha kufwa chakuhi cha kuswamisa akwa kulinga yipi. Yombi 34:21,22. Mumu meso ja Yehowwa kakwendangana hashi heswe mu kusolola tachi ja Zambani ja kjukwasa waze akwete mbunge yingunu. 2 Kron. 16:9; 2 Yoano 2:24.

Kawaha yoze amukonekenene mulonga wenye ni shili yenye hi yafukiwa. Kawaha mutu yoze Zambani keshi kumwalula milonga yenye ni mu spiritu yenye keshiko kaliongelo. Sal. 32:1-5. (Tanga nawa Sal. 51). Yesu hindu musono achili ni kutambika, ngwenye: Twenyenu kuli Yami yenu eswe nwakulikita nwakulemewa, kumungukuhwimisa. Mat. 11:28,29.

1. CHIZULIE CHITANGU

Chizulie chini chinasolola mbunge ya mukwa mahamba ni mukwa shili, hanji mukwa hashi, chipwe pwo hanji lunga yoze kasemukine kuli Zambani. Chinasolola nawa mutu yoze amuyulile ku spiritu ya mwakono ni ku upale ni usolo wa musunya. Mukanda uno ngwe katalilo wamwenemwene ka kulweza mbunge yenye chizechene ngwe Zambani Kakuyimona. Meso achila akutulweza kuzengewa chenye. Tangenu Yish. 23:29,32. Uli ni lamba, iya? Unachila ku meso, iya? Waze akushimbula chikolo ku vinyu, waze akuyaya ni kupanjika vinyu ya kuchinga. Kanda utala ku vinyu muze muyichila, muze muyipeyima mu musenge, muze muyipalamuka kanawa. Ha kusula muyisuma ngwe kapela; muyisuma ngwe fwiji. Meso je kumakatala mapwo ja mbala ni mbunge ye kumuyikahanjika yuma ya kushinama.

Kushi lia mutwe mumona ye mbunge ya mutu ni tushitu eka ni eka a kutulweza milonga yinji yeka ni yeka mu mbunge ya mutu. Mbunge kuma kwa kutwama milonga yetu. Zambani ngwenye; mbunge ya mutu yakwonga kuhiana yuma yeswe ni yipi chikolo. Iya mayinyingika? Jer. 17:9. Yesu mwene yamba ngwenye; Mumu muchima lia mbunge ja atu mwakutuhuka, ni manhyonga api, ni utanji, ni wiji, ni ungalwe, ni kuzo, ni ungulungulu, ni kalimbalimba, ni ujila, ni liso lipi, ni kushilika, ni kulizelula, ni uzuzuke. Yino yuma yeswe ya ungulungulu kuyakutuhuka muchima. Marku 7:21,23.

PAVÃO.

Kashitu mutangu pavão. Kajila wa uhenya, ni mangona a ulombo weka ni weka. Kanatwiluluka mulonga wa kulilemesa. Lucifer, mungelo mutangu, te wapwile mukwa kumbata uhe-nya wa Zambani. Alioze walimbuka mumu kafupa kulilemesa. Kalumuka mukwa kole ni Zambani, mwe Satana. Isaya 14:9-17. Hapwa Ndiapu. Kapwile mungelo wamokomoko wa milima.



Kulilemesa kuchakupwa cheka ni cheka. Amwe kakulifumanyisa chikuma cha ngombe jo, hanji mapanga jo, nyi ka, mazuwo, hanji minda, handi mazalo. Akwo kakulifumanyisa mumu ha kuatala, kanapeme ku meso, hanji ku mujimba. Nyi anapeme ku mujimba keshi sonyi ya kuusolola ku meso ja atu. Amwe kakufumanyisa vungu lio, akwo kulongoloka cho, amwe tachi jo, hanji yitanga yo ya hashi, amwe ulombo wo wa chikoa, amwe yuma yeka ni yeka. Kwali atu akufupa kuwahisa mujimba wo ni mikosa mi yingelingele, amwe kakuchata mujimba hanji kuutomesa. Alioze Zambi kalinga kanawa, kanawa mijimba yetu. Yika mutufupa kuyiwahisa? Zambi kakulimika ni akwa kulengumuka, alioze kakuhana vumbi kuli akwa ulelu. 1 Pet. 5:5. Zambi keshi kuzanga kulilemesa chetu ni kulizata chetu. Yish. 8:13. Kulengumuka muchitetekela kwonwona. Yish. 16:18..

KAWA.

Kawa kanatulweza usolo wa musunya, utanji ni upangala. Kweswe kawa maya malipihisa. Atu anji chizechene. Kweswe maya mafupa kutenga mapwo ja mbala hanji kuheha no. Amwe mapwo chizechene. Upangala ni utanji hi woka matangwa wano. Akweze jetu kahashile kulifunga. Kuuli nawa utanji mukachi ka twamishi ja mapwo ni mapwo waze ku ulo nawa. Akwo a malunga kakuvulumuna mulonga wa utumwa. Kashika ha milonga yino yeswe kanamanunuka maliji a Mwene Yesu muze ambile ngwenyi; Matangwa a kusula kumapwa ngwe matangwa a Sodoma ni Ngomora; mumu ha matangwa waze atu avulumwine chizechene.

Achokwe ni mavungu akwo mamuluka kawa yoze mutu wakwononoka ni kuvulumuna mulonga wa utanji. Atu ngwe waze kechi kunjila mu wanangana wa Zambi. Zambi kanambe mu mukanda wenyi ngwenyi: Alioze tuwa ni tahi mapwa haze, hamuwika ni yingalwe ni akwa mahamba ni waze eswe a kutomba ni kufwila mahuza. Usol. 22:15. Kashika chinenu utanji. Milonga yeswe a kuvulumuna atu te, haze lia mujimba alioze mweswe mavulumuna mulonga wa utanji kanavulumuna mujimba wenyi mwene. Kunwanyingikine ngwo, mujimba we tembele ya Zambi? Lunga mweswe, hanji pwo mweswe mapihisa tembele ya Zambi (chenacho kulumbunuka mujimba wenyi) Zambi mamwonwona mumu tembele ya Zambi yisandu yenayo, yenwene. 1 Kor. 3:16-18; 6:15-20.

NGULU.

Ngulu kanatulweza mukwa kuzengewa ni yilialia. Ngulu malia chuma cheswacho. Keshi kutongola chipema ni chipi ni amwe atu chizechene. Kakulia tushitu akufwa ku misongo hanji akufwila mwene. Malia tumbi ni tundondolo. Chikwo kakupihisa mujimba yo, yenayo tembele ya Zambi,

nikunwa makanya hanji mu kunwa makanya mu tesa, hanji mu kunwa liamba, chenacho chapwa ngwe utenu wa kupihisa manyinga jo. Chakukoka milonga yeka ni yeka. Satana kakukasa atu ni kuzanga cha makanya, ni je tachi ja Zamboni wika mujihasa kutusula hanji pwo, chipwe lunga wakashiwa ku chitanga chino chipi.

Akweze jetu ni amakulwana keshi kunyonga chuma kuzengewa ni walwa hanji vinyu, chipwe kachipembe. Alioze, mukwa kuzengewa niumwe makahinga wanangana wa Zamboni. Walwa hi kulia ko. Wa kuhengesa manyonga ja mutu alinge yuma ya uhepuke, hanji utanji, hanji ungalwe. Vinyu kuyapwa mukwa kulenya. Kunwa chisasa kuchapwa mukwa chimbangwinya ni mweswe mapianguka nayo hi mukwa mana ko. Yish. 20:1. Ye shimbi ya Mose ya kutulweza ngwo; "Mwana mweswe mukwa uhulia neye mukwa kuzengewa chatamba kumwasa mawe akafwe." Deut. 21:19-21. Ni yoze wakukela walwa hanji kachipembe kanahi chimuwika ni mukwa kulanjisa walwa mumu liji lia Zamboni ngwenyi; "Lamba kuli waze akuchinga kunwa chisasa." Isa. 5:22. "Lamba kuli yoze wakuhana vinyu kuli mwenyembo, wakumukunjika mulange we akazengewe." Hab. 2:5. Kanda ulionga, niumwe mukwa upangala, chipwe niumwe mukwa mahamba, ni mukwa kulondelele mapwo, hanji mukwa kulipihisa ni malunga, hanji mwiji, hanji mukwa chipululu, chipwe mukwa kuzengewa, hanji mukwa kutukana, chipwe mukwa kufwetesa chikaluni akwo makahinga wanangana wa Zamboni. 1 Kor. 6:9,10.

Achi yitanga ya musunya yinasoloka, yino, ni utanji, ni upangala, ni luchisa, ni ujila, ni kukombelela mahamba, ni wanga, ni kole, ni kuzwelela, ni ukwa, ni utenu, ni kuhamika, ni kuhangulula, ni kuhandununa, ni kulitetela, ni ungalwe, ni kuzengewa ni kuhungumuka ni yipi. Waze a kulinga yuma yenayo kechi kuhinga wanangana wa Zamboni. Kanda uzengewa ni vinyu, mumu yenayo yakukoka kulitachika, alioze lizalisenu ni Spiritu. Efes. 5:18. Mwene Yesu, iye mwene lie fuji lia meya a mwono. Iye kakulakenya atu eze kuli iye, anwe, ngwenyi; "Kachi umwe mevwa pwila, eze kuli Yami, anwe." Yoano 7:37,38. Cheka nawa mu Isa. 55:1,2 ngwenyi, "Enu eswe nkwawiva pwila, tweyenu ku meya, ni yoze keshi mbongo, tweya, ulande, ulie; ewa eze alande vinyu ni yamwa kuyishi ndando, chipwe mbongo. Kuchi te nkwawanga mbongo ha chuma chize hi kulia ko; ni tachi je ha chize kuchishi kuyukisa?"

MBACHI.

Kashitu yono wakwenda makoke kanatulweza mulonga wa kuleya, wa kukokoloka, wa kukombelela mahamba. Mulonga wa kukolema umuwika ni uze wa kukombelela mahamba. Chileyi kakuholoka mu miheto yeka ni yeka ya Satana. Keshi kuzanga kulinga milimo a wane mbongo jenyi alioze mazanga kwiya ni kwenako wakuchiza ungalwe. Chileyi cha mu spiritu keshi kulemba, chipwe keshi kutanga Biblia, ni mu zuwo lia Zamboni keshi kuya mo. Uleya wetu wakutukwika tupolongoze mu maliji a Zamboni mu eno muuli mwono wa miaka yeswe. Kulaluka chetu chapwa ngwe mwiji wa kwiya matangwa jetu. Chakutukoka ku mbongo ya lamba Muze Zamboni mamba ngwenyi, "Ungwehe haliapwila mbunge ye," hazehene masoloka Satana ngwenyi, "Kanda uhana mbunge musono. Hamene mulinga, nyi ka, hamene lia alize." Alioze iya mahasa kulisambisa tangwa lia hamene, hanji kutuchikalimona. Chocho atu kakulaluka ngwo; "hamene, mungu fuliela, hamene." Hanji mamba, ngwo; "Ku mwaka mungu fuliela, alioze hi haliapwila ko." Mba susumuka, kufwa chakwawana shimbu kanda a fuliela. Hafwa keshi ufulielo, keshi Zamboni, keshi Yesu Kristu. Kashika Zamboni ngwenyi; "Musono nyi muwivwa liji Lienyi kanda ukalisambunge ye." Heb. 3:7-8.

Ni tahi ni mbuki kakulinga ni chikola cha mbachi ni kashika mbachi kaanatulweza mulonga wakutaha ni wakufuliela yino yuma, shimbu chatamba kufuliela Mwe Zamboni wa mwono. Atu kakufuliela mahamba, ni mitondo, ni mbinga, ni yifwika ha ola ya kuyiza, hanji ya lamba, shimbu chatamba kufuliela mwe Tangi Munene ni mwe Chilamwina. Zamboni yakanjisa ana a Isalele ngwenyi: "Kanda utayiza tahi kutwama ni mwono. Kutuhuka 22:18. Kanda a wana mukachi kenu yoze wakutaha, hanji mukwa kupanda, hanji nganga. Mumu waze eswe akulinga yize yuma kanavutwokela kuli Zamboni. Deut. 18:10-12. Kanda nukalemesa nganga, chipwe kanda nufupa atahi nukapihe no; Mwe Mwene-Yami; Zamboni ya yenu. Lev. 19:31. Hali mutu wakukaula atahi mukwazanga mungukalisa mbunge yami, ni mungumuchiza mukachi ka atu jenyi. Kashika lipemesenu, nukapwe asandu; Yami nguli Mwe Mwene, Zamboni Ye. Lev. 20:6,7.

Yesu Kristu wika mahasa kuwuka ni spiritu, ni alma ni mujimba. Wakukonekena milonga yetu yeswe ni wakuwuka misongo yetu yeswe. Sal. 103:1-3. Mwali mukachi kenu yoze unayiji? Atambike

amakulwana ja chikungulwila, (hi atahi Ko) o akamulembela. Ni kulemba cho ni ufulielo muchikalamwina mweji, ni Mwe Mwene makamuhuzulula. Ni kachi kavulumuna milonga, kumakamukonekenayo. Shikisenu milonga yenu umwe kuli mukwo ni lembenu umwe hali mukwo Akanuwuke. Tiangu 5:14-16.

Shimbu uchili nikutanga mukanda uno, Zambani kanahanjika ni yena. Kanakulweza ukalikonyeke ku milonga ukalieche kuli Zambani. Alioze mu mbunge ye unevu liji lia mbachi, ngwenyi; "Kanda ulipupula, kanda ukaliecha musono. Mulinga hamene, nyi ka, hamene lia alize, nyi ka, ku semana hanji ku mwaka." Hanji unevu nawa liji lia kwamba ngwo, "Chatamba kulianga kumbata mba ufuliele, hanji, lianga kutwala mwane ku mukanda, mba mufuliela." Chino cheswe kuhanjika cha Satana, kwonga atu kanda a ononoka ku liji lia Zambani. Chocho atu kakukalisa mbunge jo ndo mujikala mbe ngwe chikola cha mbachi, ni chocho kakutoka mu shili yo ni milonga.

KANGUILI.

Kanguili kashitu mupi, musasu, wakutenuka washu. Kashika kanatulweza ngwe mu mbunge ya mutu yakutwama utenu ni kole. Waze a kutenuka washu twakwaluka ngwo, Yitenu. Kuli chitenu chashi kutukana hanji kulilamba ni mukwo. Kushiha nawa mutu, hanji mahasa. Kuli atu akwo kechi kupwa ni utenu ndo manwa walwa wunji, hanji kachipembe, mba malumuka yitenu. Chinapu ngwe spiritu mupi watuhuka ku walwa; wanjila muli mutu. Kashika choma, nyi mazanga kukala ni mukwo, manwa walwa wunji akapwe ni hamu ni chocho malilamba ni mukwa kole yenyi. Ha chenacho twakutanga mu mukanda wa Zambani ngwo; "Vinyu yo yapwa ngwe utende usasu wa kavwanda hanji kapela." Deut. 32:33. Kashika tuchinenu kuzengewa, tupwe ni zango umwe ni mukwo. Yesu wamba ngwenyi "Zangenu akwa kole jenu." Zambani kanatulakenya ngwenyi, "Nyi munukonekena waze akunuvulumuna, Ami mungu nukonekena milonga yenu."

KAPELA.

Kapela wapwile kashitu mupema wa uhenya ha ola yize ongele akaka jetu Alama ni Ewva, ku munda wa Edene. Kapwile kapela mwene wongele akaka alioze mwe Satana mu mujimba wa kapela. Mwe Diapu muze amwene ngwe chize Zambani azangile mutu mutangu ni chize Zambani wamusele helu lia tushitu eswe mukwayula wevwile chipululu ni wafupile kushiha usepa mukachi ka Atu ni Zambani. Chocho wongele mutu. Wamuvulumwishine. Mutu walumukine mukwa kole ni Zambani, ni chipululu cha Satana chanjilile mu mbunge ya mutu. Chipwe haliapwila chipululu chino chatwama mu mbunge jetu ni chakupihisa ni kushiha uwahililo wetu ni chiseke.

Chipwe akwa kwambujola liji lia Zambani chatamba kufunga kanawa mbunge jo kuchina ukwa ni chipululu muyinjila. Hanji Zambani kanakwasa kanawa umwe mukwenu muze mambujola liji lia Zambani, hanji anji kanafuliela ku kwambujoacha iye ni yena unachimona, mba ukwa hi munjila ku mbunge nyi kwayifungile pito liayo. Mba chipululu chakukoka mal nyonga akwo api akumulinga mukwenu chipi, hanji kumushiha. Kashika mumu ha chipululu che chinyengo cha heta kuli atu anji, usoko wenyi. Chikwo ukwa muckachi ka pwo ni lunga muushiha jiko lio ni kutwama cho hamuwika. Ukwani unapu ukalu ngwe fuka. Miaso ya Solomone. 8:6.

MBOTA.

Kakulia ku mavu. Kanatulweza mulonga wa yiza ni kuzanga cha mbongo ni upite. Chenacho kuputuka cha yipi yeswe. 1 Tim. 6:10. Mbota amwe a ku Congo malia tuswa ndo machafuka mba mafwa. Yoze ukwete yiza keshi kuzanga kupangila kuli yiswale ni akwa kuyindama. Chipwe nikulinga negocio, chipwe nikwiya kakufupa kwokesa upite wa hano hashi, wenawo wakupola ku ngengeya hanji ku ndulu nyi ka, mauwiya kuli eji. Mat. 6:19-21. Mutu umwe, jina lienyi Akane watokele kushi hamuwika ni akwa jiko lienyi mumu wazangile chinji ouro ni prata ni mazalo apema. Kashika anjile chize Zambani washingile. Yosue 7. Ni Yundase Isacariote, watokele mumu wazangile mbongo kuhiana Mwene wenyi. Mat. 27:3-5.

SATANA.

Satana mwe tato wa waze eswe akuhanjika mahuza. Mwenawo kafunga wa tushitu wano eswe. Mwenawo wakuyula mbunge ya mutu. Yesu ngwenyi: "Nuli a kuli tatenu, mwe Diapu, ni usolo wa tatenu munukaula. Iye wapwile chingalwe chize ku uputukilo, ni umwenemwene kuwatwamine muli iye. Muze mahanjika mahuza kanahanjika cha kuli iye mwene mumu iye mukwa mahuza ni mwe mwenya wacho. Yoano 8:44.

LUTONGONOSHI.

Lutongonoshi waktuwilwisa shimbi yize ya kutwama mu mbunge ja atu eswe. Muno mu chizulie lutongonoshi kanalá, keshi kupeyima. Kanapiha ni milonga ni ndako yipi kashika kantulweza ngwe liji lia mbunge hi liahola. Kuliahashile kulinga milimo yenyi ya kukanjisa mutu mumu ha milonga yenyi ni kuvulumuna chenyi. Hep. 10:22.

LISO.

Meso ja Zambzi kwali kweswe hashi. Kakumona yuma yeswe yili mu mbunge jetu. Nichimwe chuma muchihasa kuswama ku meso ja Zambzi. Meso jenyi anapu ngwe milenge ya kahia. Kakumona ni kunyingika chipwe manyonga jetu ja mu mbunge. Chipwe mulinga chipi ha muchima ufuku hanji ku yambu hanji ku mushitu hindu kakumona.

MUNGELO.

Mungelo chilayi cha liji lia Zambzi. Zambzi kanahanjika kuli mukwa shili, yoze Satana hamwonga ni Zambzi kanamushinjila alikonyeke, atayize pangu lia Zambzi kunjila mu mbunge yenyi yilá. Zambzi kanahanjika chizechene kuli yena unatange mukanda uno.

LIEMBE.

Kajila yono mupema, mbovo, kashika chilayi cha Spiritu Musandu, kanda Spiritu ya Umwenemwene. Mwenawo waktuningikisa milonga yetu ni kutulweza nawa ululi ni upema wa Zambzi. Kaktuwilwisa ngwe chize Zambzi matusopesa ni matuyula kulutwe. Mu chizulie, Mwe Spiritu Musandu katwama haze lia mbunge mumu Kahashile kutwama kuze chipi chakupwa.


MILENGE YA KAHIA.

Milenge yino yinajingilika kusesa lia mbunge, kashika yapwa chizulie cha chivukaminyi cha zango lia Zambzi. Zambzi keshi kuzanga kushiha mutu, mukwa shili alioze hanga alikonyeke, atwame ni mwono ku manyinga a Mwene Yesu. Yesu wejile mukulamwina akwa shili. Kakwivwa chiseke chinji muze mukwa shili malikonyeka ni angelo jenyi ku malilu kakuwahilila nawa. Zambzi kanazange kupemesa mbunge yengi ku manyinga a mwanenyi wa wika, Yesu Kristu. Zango lia Zambzi liafupa kunjila mu mbunge yino yinakekama. Yesu kanamana ku pito liayo ni kanangongwela. Nyi munumwazulwila lie pito lia ku mbunge ye kumakanjila ni kumakupemesa ku luchisa ni makutusula ku malenge a shili.

2. CHIZULIE CHAMUCHIALI

Chizulie chino chatulweza mutu yoze waputuka kulikonyeka ni kufupa Zambzi. Mwe mungelo unakwate ku katana, chenacho kulumbunuka Liji lia Zambzi, lienalio lia mwono ni lia tachi. Linambuka tutana eswe a malutwilo ali, lia kutuwa ndusu ndo kuhandununa cha alma ni spiriti ni makonekeno ni usongosongo, ni lia kunyingika manyongo ni kuhala cha mbunge. Hep. 4:12. Lie liji lia Zambzi liakumwilwisa ngwe fweto yakuvulumuna che kufwa, chamutulikila mutu mweswe kufwa kamuwika ni kulutwe upatwilo. Hep. 9:27. Chihanda cha yoze mukwa kuvulumuna ni yoze keshi kufuliela mu chitende cha kahia chize cha kulekwoka ni fundanga.

Mungelo kanakwata ku kwoko likwo chifwaha cha mutwe. Chino chakutunyongesa tangwa lietu lia kufwa. Muimba uno twakuutalatala kanawa. Tuakuujika. Twakuuhoko. Cheswacho mujimba wetu muuzanga twakuhana. Kutushi kuuyindamisa alioze mujimba kumuufwa, kumuupola. Tututu kumaulia, alioze alma ni spiritu jetu kujishi kafwa. Kumujilinduluka ndo ku miaka. Nyi uli mukwa Kristu, spiritu ni alma mujitwama ku miaka hamwe ni Zambzi ku malilu. Alioze nyi kwafulielele kumujipinda mu kahia ndo ku miakalwila.



Kashika mutu yono wa ku chizulie se kananyingika yino yuma hi machiputuka kupanjika ku Liji lia Zambzi lize linamukanjisa ku shili yenyi ni milonga. Hi machiputuka kutayisa zango lia Zambzi kunjila mu mbunge yenyi yilá. Mba muze mulinjila lie pangu milima muyikatuka. Lie pangu lino lia kuli Spiritu Musandu muze mulihenya mu mbunge. Spiritu Musandu ku chizulie, liembe. Milenge ya kahia haliapwila yatwama muchima lia mbunge mumu chivukuminya cha zango lia Zambzi hi lianjila mu mbunge yenyi. Tushitu eswe a milonga yeka ni yeka hi kanachina.

Ni yena nawa, unatange mukanda uno uli mukwa shili ku meso ja Zambzi, kashika tayizenu Mwene Yesu kunjila mu mbunge ye. Iye lie pangu lia hashi kashika cheswe manjilalye, ye milima ni yitanga yayo muyikatuka, chizechene ngwe mu chizulie. Yesu ngwenyi, "Lie pangu lia hashiYami", yoze mangukaula keshi kwenda mu milima. Yoano 8:12. Lamba kuli waze akuzanga milima, hi pangu ko. Hashakulu Mwene Zambzi yatwama mu zuwo linene ku chihunda cha Yerusalem. Limwe tangwa shimbu Mwene Yesu endelee hashi, iye yanjila mu zuwo lino, yawana atu anji waze analanjisa ngombe ni pembe ni mapanga.

Muze Mwene Yesu yamona ngwe halumuna zuwo lia Zambzi likapwe chitanda cha kulanjishilamo, yewa kupiha. Yamba ngweryi, "Zuwo liami zuwo lia kulemba alioze yenu nwalitenga chivwenge cha eji." Yoano 2:13-17. Haliapwila Zambzi keshi kutwama mu mazuwo a kutunga ni moko ja atu alioze kanazange kutwama mu mbunge jetu. Kashika nyi munuMutayiza Mwene Yesu manjila mu mbunge ye ni kuhuma yuma yeswe yipi yakutwamamo. Manukonekena milonga yenu, manusula ku tachi ni ku chiyulo cha shili ni milonga. Nyi Mwe Mwana (Yesu) manusula kumunutusuka. Yoano 8:36.

3. CHIZULIE CHAMUCHITATU

Kuno tunamono mbunge ya yoze walikonyeka pundu. Kananyingika pundu we upi wa milonga ni shili yenyi yize Yesu wambachile ha kulusu. Kashika ha kushinginyeka la mba lize Mwene Yesu wevwile ha kulusu mbunge yenyi yama kwoka ni chinyengo. Cheswe manyonga zango lia Mwene Yesu lia kumufwila ha kulusu keke kanevu ku mbunge. Ha kushinginyeka chipangula cha mbimbo ku mutwe wenyi, mbambo ku moko ni ku molu, yilonda ya ku shikote, ye yeswe yakukoka masoji

ku meso. Shimbu kanatgange Liji lia Zambani kanalimona chize apwa iye mwene, ngwe mutu yoze unatala mu katalilo ni kashika kananyingika chipi cha mu mbunge yenyi.

Ni se Liji lia Zambani linamutuwa mu mbunge, haevwa chinyengo mumu ha shili yenyi ni milonga kashika Mwene Zambani hakundama kuli iye, kanapemesa mbunge yenyi ku manyinga a Yesu Kristu. Ni zango ni uhwimino wa Zambani hiyanjila. Haliapwila hanalilongesa ngwe, Kumanyi, Zambani hakamwihi ali kuli waze eswe maMufupa ni kuli waze eswe akwete mbunge ya kumakwoka. Kakulamwina waze eswe malikonyeka mu spiritu yo Sal. 34:18.



Kakuwuka mbunge jo ni kukasa mbandu jo. Sal. 147:3. Cheka nawa Liji lia Zambani, ngwenyi: "Mwene ngwenyi," Mungu tala kuli yoze ukwete spiritu ya kulikonyeka, wakuchikima ku Liji Liami. Isa. 66:2.

Spiritu Musandu ni zango lia Zambani kanazuku mbunge yenyi yitoma. Shimbu achili ni kunyonga kufwa cha Mwene Yesu ni ufulielo weswe ni kanashinginyeka manyinga waze amwangine mu kutulamwina ku milonga yetu hi kanamono, te kanamukonekena milonga yenyi yeswe mumu ha manyinga a Mwene Yesu. Mu 1 Yoano 1:7 tunatange ngwo, "Manyinga a Mwene Yesu, Mwana Zambani hanatupemesa ku milonga yeswe. Yoze wakufuliela muli Yesu kechikatoka alioze kumapwa ni mwono wa miaka yeswe. (Tangenu 1 Kor. 6:10-11). Kukula tuli nacho, muli Yesu, chenacho ukonekeno wa milonga ku kulumbama cha vumbi Lienyi. Efes. 1:7. Haliapwila kuyili spiritu yaha muli iye, kechi kuzanga nawa hano hashi alioze yuma ya Zambani. Zambani wazalishile mbunge yenyi ni zango kashika tushitu waze eswe a shili keshimo. Ni Satana nawa kanatuhukamo. Alioze Satana kawahilile, kanafupu haze mahasa kunjila nawa. Kashika kanatukanjisa tulembe ni tule tukahase kukumba Satana neye atuchine.

4. CHIZULIE CHAMUCHIWANA

Chizulie chino chinatulweza umwe mukwa Kristu yoze hawana ulamwino ku chitapo cha Mwene Yesu Kristu, chilamwina chetu. Kashika keshikuwahilila ku yuma yikwo niyimwe shina ku kulusu ya Yesu Kristu. Kananyingika pundu ngwe Mwene Yesu afwile ha kulusu hanga yetu tukafwe ku milonga, tutwame ni mwono tukalinge ululi. 1 Pet. 2:24. Mukwa Kristu hanafu ku yuma ya hashi. Kanatukanjisa twende mu spiritu ni kanda tuyukisa ku usolo wa musunya. Gal. 5:12-25. Cheka nawa kanatulweza ngwo, "Kaulenu ululi mumu yoze keshi ululi kechikamona Zambani." Hep. 12:14.

Mwe mukachi ka chizulie chino tunamono nguji, kuze akashile

Yesu ni malenge muze hamuchiza mazalo jenyi. Mumona nawa shikote amulambile nayo chipichipi, muze fweto yami ya shili ya holoka hali lye. Isa. 53:11-12. AMulambile lye mumu ha milonga yetu. Mwanangana Heronde ni atu jenyi aMulenyene ni muze aMulambile aMujikile hina lichila, limwe lipema. Muze aMuyinjile chipangula cha mbimbo achisele ha mutwe wenyi, shimbu chatamba

kuMwaha chipangula cha uhenya. AMusele mu kwoko Lienyi lachindume lumbungu shimbu chatamba kuMwaha lukanda wa mwanangana. Hazehe aMuchimbungwine nikifulamana hashi, ngwo; "Vulie mwanangana wa Ayunda." AMufwilile mate, a Muchijile lumbungu ku kwoko Lienyi, hoho ku - Mulamba nawo ku mutwe. Muze amanyishine kuMulenya aMutwalile haze hanga aMuhate ha kulusu.

Kwali anji waze a kwamba ngwo, "Tuli akwa Kristu." Kakulemba mu zuwo lia Zambzi. Kakwimba miaso ya Zambzi, hanji kakutwama ku mesa ya Mwene alioze ku tenga kakulinga yuma yipi. Ha kulinga chenacho chinapu ngwe kuhata Mwene Yesu cheka nawa ha kulusu. Hi eswe ko akulemba ngwo, "Mwene, Mwene," makanjila mu wanangana wa Zambzi alioze waze akulinga upale wa Tata yoze uli mu malilu. Mat. 7:21-27).



Mumona nawa kanjeke ka mbongo ka Yundase ku chizulie. Yundase wakunjikile Yesu. WaMulanjile ha makumi atatu a mbongo, mumu usolo wa mbongo wamuzukile mbunge yenyi yipi. Wamupwishile ngwe kapuputa. Kamwene ngwe maheta mu mbongo ya lamba. Tundeya, malenge ni yeka ni yeka tunamono ku chizulie yatwiwulwisa chize amaswalale akwachile Mwene Yesu ha ufuku. Je ndandu jinatulweza ngwe chize atele chela ha mazalo jenyi hanga chimanunuke liji lia Zambzi lize ambile kushi; ngwo, "Apangile mazalo jami mukachi ko ni ha chikuto chami atele chela. Sal. 22:18.

Umwe muswalale waMutuwile ku lumbu ni mu mbunge ni hazehe atuhukile manyinga ni meya. Yoano 19:33-37. Petulu walikala Mwene Yesu ku meso ja umwe mwanapwo alioze kulutwe walikonyeka ni masoji anji. Yena yika wakulinga? Shina wakuMulikala nyi? Shina wakuMufumanyisa?

Yesu ngwenyi, "Yoze maNgulikala yami ku meso ja atu ni Yami nawa mungumulikala iye ku meso ja tata yoze uli mu malilu. Mat. 10:32-33. Yesu yamba nawa ngwenyi," Yoze maNgukaula Yami, alikale iye mwene, azundule kulusu yenyi, aNgukaule. Mat. 16:24. Ni yoze kazangile kuzundula kulusu yenyi ni kuNgukaula katelele kupwa wa Yami. Mat. 10:38.


Liwe lia miaka yeswe, muli Yena nguswame,
Meya ni manyinga je, aze a ku lumbu lie
Angukose ku mbunge,
Angupemese mweswe.

5. CHIZULIE CHAMUCHITANO

Kuno tunamono kwenda chisandu ni chipema cha mukwa milonga yose amulamwinyine ku vumbi ni keke lia Zambzi. Mujimba wenyi walumuka mukupwa zuwo lia Zambzi, muze mwakutwama Zambzi

Tata, Mwana, ni Spiritu Musandu. Mumu chocho wambile Mwene Yesu, ngwenyi; “Yoze maNguzanga Yami ni mafunga maliji jami a shimbi; Tata mamuzanga, meza kuli iye, matwama muli iye. Yoano 14:23. Zambi kakulemesa, kakuyukisa ni kakuwahisa atu muli Mwene Yesu. Luka 1:52.

Mbunge haliapwila yapwa zuwo lia Zambi mukwa mwono Kuvulumuna ni shili yapatuka. Kutwamwene nawa tushitu eka ni eka waze aayulile kuli Satana, tato wa mahuza; alioze tunamono Mwe Spiritu Musandu unatwama mu mbunge yenyi. Yitanga yipi ya musunya hiyahwa mi mbunge hiyalumuka ngwe naka ya mihuko yinji, chipwe ngwe mutondo wa kuhana mihuko ya Spiritu, yenayo; zango, ni cheseke, ni uhwimino, ni kulikehesa, ni uhomboloji, ni vumbi, ni upeme, ni ufulielo, ni umbovu.




Ni mihuko ngwe yino yakuwahisa mbunge ya Zambi, ni atu nawa. Haliapwila hapwa mutango wamwenemwene wa vindeira yamwenemwene, mwenawo Mwene Yesu Kristu. Ni che chikuma mwe mukwa Kristu kakupwa ni mihuko yino yipema mumu Mwene Yesu kakutwama muli iye neye kutwama muli iye. Yoano 15:1-10. Kakufunga liji lia Zambi mu mbunge nawa. Ni se kakuzala to ni Spiritu Musandu tachi ali najo ja kukumba musunya ni usolo wawo ni kuufwisa. Ku tachi ja Spiritu Musandu kanahase kwenda mu Spiritu. Keshi kuliwala nawa ku chize anamono, hanj chize anevu alioze ku ufulielo, mumu kufuliela muli Yesu Kristu chenacho kukumba hashi hano. Kutatatata chenyi chinamutakamisa, chenacho kwiza chamuchiali cha Mwene Yesu Kristu. Kakutwama mu zango ni lie zango lia Zambii liakutwama muli iye.

Kawaha waze a mbunge yitoma mumu kumakamona Zambi. Mat. 5:8. Mwanangana David, chipwe pichi munene ni chitakame yoze washiha chindululu Goliath, hindu kewwile kanawa, mumu mbunge yenyi yipi. Kanyingika ngwe kechikamona Zambi ndo ni mbunge yitoma. Kashika ni chinyengo ku mbunge yamba ngwenyi, “Tanga muli yami mbunge yitoma; huzulula muli yami spiriti ya kululama. Sal. 51:10.

Niumwe mahasa kupemesa mbunge yenyi mwene. Chamutamba kulikonyeka pundu ni kushikisa milonga yenyi kuli Zambi akayehuke chizechene ngwe David. Ngwe mwana chimwange kahichika ngulu ni chizechene kahiluka kuli tato nikulikonyeka ngwenyi: “Tata, navulumuna ku meso ja Zambi ni ku meso ja yena nawa tata.” Mba hoho tato yamukonekena milonga yenyi. chizechene Zambi kumakawahisa akwa shili eswe waze meza kuli iye ni mbunge ya kulikonyeka. Zambi hanalakenya ngwenyi: “Mungukwaha mbunge yaha ni spiriti yaha mungusela muli yena. Mungu chiza mbunge ye ya liwe. Mungukwaha mbunge ya musunya. Spiriti Yami mungusela muli yena. Mungukwendesa mu shimbi Yami. Chenacho usendo waha uze Zambi wakolesele ku manyinga a mwanenyi Yesu Kristu.

Mu chizulie chino tunamono mungelo kanahiluka. Angelo achili ni kuvumbika waze makahinga mwono wa miaka yeswe, kanajingilika waze akwivwa woma wa Zamb. Sal. 34:7 & 91:11; Mat. 2:13 & 18:10; Yilinga 5:19 & 12:7-10. Ndiapu nawa kanamoneka mu chizulie ni kumana hakumwihi ni mbunge ya mutu. Kanafupu haze manjila nawa mu zuwo lienyi likulu. Kashika kanatukanjisa, tupwe nikulá matangwa eswe mumu mwe ndiapu ngwe ndumba wakukenana kanendangana nikufupa waze malia. 1 Pet. 5:8. Litachike ni Ndiapu, kumachina. Tiangu 4:7.

6. CHIZULIE CHAMUCHISAMBANO



Chizulie chino cha mukwa kuhiluka kunyima. Chakoka chinyengo ku mbunge. Liso limuwika linambe kufuka, chenacho chakutulweza ngwe zango lienyi lia kuli Zamb. liaputuka kutepuluka; Chinapu ngwe mu tulo ali, kevile nawa tachi jinji ja kulingila Mwene. Pangu lia mu mbunge linajimuka, kapwile nawa ni mbunge ya kwivwa lamba mumu ha jina lia Mwene Yesu. Cheswe Satana mamuzeza kamuchinjile nawa. Hamwe kanatayiza. Kanapanjika kuli mukwa kuzeza shimbu chinatambe kupanjika kuli Zamb. Chipwe kakuya mu shikola mu kusoloka kuli atu ngwe mukwa Kristu wamwenemwene ni hindu kanalihandununa ni Zamb. Kapwile nawa ni zango linji kuli Mwene ngwe ha kuputuka. Lutongonoshi wa mu mbunge yenyi, chenacho kulumbunuka liji lia mu mbunge yenyi liakumukanjisa, unaputuka kujima ni kulusu wa Mwene kuwalumuka chiteli chinene. Kalitwamina kulemba kuli Zamb. ni ufulielo wenyi kuwakolele chinji. Kafungile kanawa mbunge yenyi ni kashika kanahichika chihela cha kunjila Satana.

Pavão nawa kanafupu kunjila. Mwe mukwa Kristu kanaputuka kulilemesa; kanavulama ngwe, te iye mwe mukwa shili lume ni ku vumbi lia Zamb. wika walilamwinyine. Hi ku upeme wenyi mwene ko. Kuzengewa nawa muchifupa kunjila mu mbunge yenyi.

Hanji umwe sepa lienyi kanafupu kumuzeza ngwenyi; “Nwako kamuwika, hi mulonga ko. We mulonga kuzengewa.” Mwene kanyingikine ngwe kunwa chikepe chapwa ngwe chitwetwe, shimbu likepe chakwalumuka lwiji lume munene. Hanji umwe pwo, mukwa ufulielo, lunga mukwa shili. Mwene kanakele walwa hali lunga, kanalisambisa ngwenyi, “Hi yami ko mungunwa.” Kamwene ngwe iye mulonga ukwete wa kuvulumwisa lunga ni masepa jenyi.

Upangala ni utanji nawa muufupa kulumbula mukwa Kristu. Satana meseka kumuvulumwisa ni kalimbalimba munji. Se kendéle hakamwihi ni Zamb. mba mazanga kupanjika ku pande ja luchisa ni ja sonyi. Hanji mazanga kutwama ni waze hi akwa Kristu ko. Hanji maya mu kuhangana chianda. Nyi kanamono ngwe kuhangana cha Achokwe chipi mba mazanga kuhangana cha Ayindele, mumu “civilizado.” Cheswe mahuza ja Satana, hanga ni kalimbalimba akazeze akwa Kristu avulumune. Kwanyingikine ngwe kuma kwa kuhangana kwenako anji kakuvulumuna mulonga wa upangala ni kuzengewa. Ni ku makanya chizechene. Amwe kechikunwa makanya ja Tuchokwe alioze manwa “cigaro” ja Ayindele hanga apwe “civilizado” alioze cheswe kwonga cha Satana. Hanji kunwa cha Yindele chipi kuhiana mumu kakunwa “cigaro” jinji.

Satana kakwonga anji, ngwenyi, “kuvulumuna kawuwika—hi chuma ko. Tuli eswe akwa musunya, eswe kakuvulumuna.” E mahuza jenyi eno, nyi mukwa Kristu mapanjika, shimbu liakuhi yipi yeswe muyinjila mu mbunge yenyi, yize Zamboni hapemesa.

Lunga yono tunamono mu chizulie kanalemeka mbunge ni poko, kanatwiwulula waze akuchimbungwina, akupinjisa akwa Kristu, waze akulemeka ni maliji asasu. Ni mukwa Kristu, yoze kendéle ni Zamboni kahashile atu ngwe wano. Maliji jo kakuheta ndusu ku mbunge yenyi ni mumu zango lia Zamboni kuliatwamine muli iye kakwivwa woma wa atu, hi wa Zamboni ko. Ni we woma uno wa kuli atu kuwakumupwisa ngwe kapinji ko.

Utenu ni ufwatulo wakusoloka ha tangwa lia lamba hanji lia luyinda, ni wakuyula mbunge yenyi. Ni kutukana ni maliji api kakupihisa limi lienyi lize wapwile ni khalisa naliani Zamboni hanji kuMulembela. Nyi Satana mahasa kwazulula pito hakepe lume, mulonga wa ukwa ni chipululu muuliazulula pundu lume.

Mulonga wakunjila washi mu mbunge, uze wene wakuzanga chinji mbongo. Kashika chinatambe kupanjika ku maliji a Mwene Yesu akutukanjisa ngwenyi, “Lenu, lembenu hanga kunuchi kunjila mu cheseko.” Mat. 26:41. Kashika yoze wa kunyonga ngwe kanalijikisa, akanyame kuchina malimbuka. 1 Kor. 10:12. Lipakatenu armadura yeswe ya Zamboni, hanga nukahase kulijikisa hakulimika ni kalimbalimba wa Ndiapu. Efes. 6:11-18.

7. CHIZULIE CHAMUCHISHIMBIALI



Chizulie chiono cha kutulweza chize yapwa mbunge ya mutu yoze hevwa liji lipema lia Zamboni. Pangu, lienaliani liji lia Zamboni, lianjila mu mbunge yenyi ni Spiritu ya Zamboni wahanjika nenyi nikumuhisa hindu kalikonyekéne. Kashika kakalisa mbunge yenyi, kanalalaminya shili yenyi.

Yesu mwene watele chishima mu kulumbununa chize yapwa mbunge ya mutu yono, ngwenyi, “muze mupi watuhuka kuli mutu, kakwendangana yihela yomu mu kufupa haze mahwima; ni muze te kachimwene ngwenyi, “mungu hiluka ku zuwo liami lize nakatukile.” Ni ha kuhetako kaliwana lia kukomba, lia kuwahisa. Mba yaya, yakamba maspiritu akwo shimbiali, yingulungulu kuhiana. Kashika kusula cha mutu yono chipi chahiana chize ha kuputuka.” Luka 11:24-27. Alioze chapwa kuli iye nikulita ni chishima chamwenemwene. Kawa yahluka ku kusaza chenyi ni ngulu yoze amusanyisa ku kulalaminya chenyi mu malowa. 2 Pet. 2:22.

Maliji wano a Zamboni kanakulumbununa pundu chize chakupwa mbunge ya mutu yono. Shili ni kalimbalimba hi yeza mukutwama mu mbunge yenyi yikamjuyule. Chipwe ha kumutala ku meso mutu manyingika chize hanahambuluka mu mbunge yenyi.

Spiritu Musandu te kafupa kunjila mu mbunge yenyi alioze haliapwila haya, mumu mwene kahashile kutwama hamuwika ni shili.

Pangu ni milima kuyishi kutwama hamuwika. Mbunge ya mutu kuyishi kupwa zuwo lia Zambini ni oficina ya Satana ha shimbu liolene. Mungelo, kulumbunuka liji lia Zambini, kanayi nawa ni chinyengo. Konatala kunyima mumu kanazange ngwe kachi mutu wacho malikonyeka ngwe mwana chimwange kalikonyeka mu mukanda wa Zambini. Mwenawo muze te hamwanga mbongo yeswe ni hevwa zala shimbu te alishile ngulu, mba wakanyamine, walikonyekene, ngwenyi, "Mungukatuka; munguya kuli Tata mba mungwam-ba. "Tata, navulumuna Zambini nku meso je ni chatelélé nawa kupwa mwane." Alioze tatoa muze amona chize unalikonyeka ni chinyengo chenyi mumu ha chize wavulumwine wamukonekena, washiha mwana ngombe wa kutoha, no alia ni anwa.

Alioze mutu yono mu chizulie kalikonyekene mba kuchii mahiluka kuli Zambini ni kuchi mafulamana ku molo a Yesu? Te liji lia mbunge yenyi lihola, lienalio ngwo, "consciencia." Matwi ali no alioze kevile liji lia Zambini lia kumulembejeka afuliele. Meso akwete alioze kamwene mbongo ya lamba kuze mamunyasa shimbu likepe. Keshi sonyi, chipwe chinyengo mu mbunge ha kulalaminya ungulungulu wenyui. Satana heza mu kuyula mu mbunge yenyi ngwe mwanangana ha ngunja yenyi. Hanji ku meso ja atu kanalifumanyisa ngwe mutu mupema alioze mu mbunge yenyi ungulungulu waktwama. Kanalifwa ni mafuka waze atongwele Mwene Yesu, ngwenyi ngwo, Haze atu hanapemesa ni hanatomesa alioze muchima kanapolo. Mat. 23:27. Tato wa mahuza kanasalakana Spiritu ya Umwenemwene. Tushitu Eswe, chenacho kulumbunuka shili yeka ni yeka, hamwe ni spiritu mupi kanakwasa Satana kuyula mbunge ya mutu yono. Chipwe mazanga kutusuka kuli wano akumupinjisa hi kahashile mumu hapwa kapinji ko. Haktwala kuli mwenawo Zambini ngwenyi, "Se yoze walelesa shimbi ya Mose wafwile. Kamuvwileli keke, mba lamba lika mulikatela mutu yoze maliata ni molo jenyi Mwe Mwana wa Zambini ni malula manyinga jenyi chuma cha luchisa ni machinda Mwe Spiritu wa Vumbi. Hep 10:29-31; 2 Pet. 2:114.

Yena unatange mukanda uno, nyi mbunge ye yalifwa ni mbunge yino, teta kuli Zambini ni mbunge yeswe. Mwene kanahase, kanazange kukulamwina. Makukonekena ni makupemesa ku milonga ye yeswe nyi yena mulikonyeka pundu ni kumbila shili ye. Zambini kanahase kukasa mwe Satana ni atu jenyi eswe. Kanahase kwambila haze lia mbunge ye. Umwe mukwa mbumba hashakulu yateta kuli Mwene Yesu ngwenyi, "Nyi mupala mukahasa kungupemesa. Yesu ngwenyi, Ngunapale, pwako mungunu. Marku. 1:40-43. Ni yena nawa, teta chizechene. Alioze nyi mukalisa mbunge ye hanji muzanga milima, hi pangu ko keshiko yoze makulamwina chipwe wakuhi yoze muhasa kulijikijila, se unatongola kufwa, hi mwono ko, ni millima hi pangu ko.

8. CHIZULIE CHAMUCHINAKECHIZULIE CHAMUCHILIVWA

Ku chizulie chino tunamono mwe mukwa shili ni chonono. Kanevu yikola yinji ku mujimba weswe ni mu mbunge woma wunji wa kufwa watwama. Te kashinginyekene ngwe kufwa muchiheta ha ola yize. Mwe mutu kazangile kufwa.

Haliapwila kuwaha cha hashi hanachivulama; te kananyongo ye fweto ya shili yize makatambula. We mwongo wa mbongo ya lamba wakwata ku spiritu yenyi. Chipwe kanazange kulemba kuli Zambini kahashile. Kanevu ngwe Zambini ali kusuku nenyi. Kulembejeka chize cha masepa jenyi kuchamukwashile nichimwe ni upite wenyi hi wapwa ngwe wamokomoko. Tachi jenyi jeswe hanajimwanga mukupita mbongo alioze mbongo jenyi kujahashile kumuwuka hanji kumupulula ku lamba lia chitende cha kahia. Chipwe mafupa kunyonga Zambini, Satana kamutayijile. Ye yeswe ya hashi yapwa ngwe kulikatalisa chamokomoko ni akatekista ni akwa kutanga waze akuzanga kuwaha cha hashi, no kahashile kumukwasa nawa, ha ola yino ya kufwa. Haliapwila hi kanalaula meso. Hi kananyingika kumanyi, kumana ku meso ja Zambini, chuma cha kukola woma. Te mutu yono kamba kuwana ni Zambini; haliapwila hi kahashile mumu ola yacho yपालिका.

Ni yena mukwa kutanga mukanda uno, nhyongenu! Atu anji kakufwa susumuka lume. Kashika kanatulweza ngwenyi, Fupenu Zambini shimbu munuhasa kuMwana. Mutu yono haliapwila kanazange kwivwa maliji amwe a kumulembejeka alioze se walitunyine Mwene Yesu ha matangwa a mwono wenyi haliapwila ni chonono kavenu, "Katukenu kuli Yami mukwa kushingiwa ukanjile

mu kahia ka ku miaka yeswe Mat. 25:41. Hali atu eswe hanasela tangwa lia kufwa. Kulutwe liacho upatwilo. Hep. 9:27.



Mu chizulie chino tunamono mwe mukwa Kristu shimbu anashishika ha ola yize anamuhungumiona. Kanakumbu kuzeza cha mujimba wenyi ni cha Satana nawa. Chipwe anamweseka ni yuma yeka ni yeka hindu kanononoka. Muli Mwene Yesu Kristu kanakumbu kuhiana. Amwe kakuputuka kanawa kuzomboka mu "corrida" ya ufulielo alioze kulutwe kakuambuluka. Yono mutu kaputuka, kaononoka ni haliapwila kanamanununa kanawa "corrida" mumu kanatalikisa meso jenyi kuli Mwene Yesu. Hep. 12:1,2.

9. CHIZULIE CHAMUCHILIVWA

Satana kanakungulula angeli jenyi eswe mukujingilika muhela wa mukwa ufulielo. Kanafupu kunjila mu mbunge wenyi alioze kahashile. Kulilemesa, ni yuma yikwo yipi ngwe, kuzanga cha mbongo, manyonga ja upangala ni yeka ni yeka yinafupu kunjila mu mbunge. Mu chizulie kutwamwene kawa, hani kangwili alioze tunamono kuji a pembe ni chimbulu, mumu hamwe shili kuyakwiza mu kulifwa chimwe cheka. Alioze mukwa Kristu yoze unalé keshi kulionga. Shili kanayinyingika, chipwe mayiwana mukachi ka waze a kwamba ngo, "Tuli akwa Kristu," mumu chinyingi chenye kanachiwana ku Iiji lia Zambini Spiritu ya Umwenemwe mu mbungu wenyi kanamulongesa yinyingi yeswe. Tunamono tushitu eka ni eka ni andemonio jo ku chizulie. Tunamono nawa lunga unahangana ni musenge wa vinyu, hanji walwa ku kwoko lienyi. Te kanafupu kuzeza mwe mukwa Kristu ni vinyu, hanji kuhangana, hanji kuwaha cha hano hashi, alioze mukwa Kristu wamwenemwene keshikutá. Kakuchina kuli Zambini, kakufupa kupwa ngwe mufu ku yuma ya hashi mumu niumwe mufu kakuzanga kunwa vinyu hanji kuhangana.

Kuuli mutu mukwo wamuchiali ukwete poko. Kanalemeka nayo mukwa Kristu. Chencacho kulumbunuka saki, maliji api, kuchimbungwina cha waze keshi ufulielo wa kuli Zambini. Hamwe, waze a kuliluka jina liamokomoko lia mukwa Kristu, ni hamwe e akwa Kristu kakuhanjika chipi hakutwala kuli mukwa Kristu ni mukwo. Chenacho chinapu ngwe kumulamba ni poko. Hindu ha

Hi yapwa nawa ngwe katana kakwomboka ka kukumba nako Satana. Yapwa nawa ngwe mbolo ya kunukuna mwono wenyi wa uspiritu. Yapwa meya kanda evwa pwila. Chikwo yapwa ngwe meya akusana no ni chitalilo mukusolola kulifwa chenyi.

Yono mutu kakuzanga kumbata kulusu yenyi ngwe Mwene Yesu kantulweza ku Marku 8:36. Kanashinginyeka ngwe iye mwene hanafu ku shili ni yuma ya hashi ni hanahinduka (Rom. 6) mu kukaula yuma ya ku malilu ya kuli Zamboni, yenayo kuyishi kumoneka alioze ye yamwenemwene, yakulinduluka. Keshi woma wakulitakana ni Zamboni neye kapwa ngwe mutondo unatwama ku meya anji, kuwakuhana mihuko ha mwaka wacho. Kapwa ngwe mwana wa mutondo wamwenemwene wa videira wakuhana mihuko yinji. Zango liamwenemwene lia Zamboni liatwama ku mbunge yenyi ni kulumbama, kashika keshi woma wa kufwa. Sal. 1:1-3; Yoano 15:1-14; 1 Yoano 4:18-21.

10. CHIZULIE CHAMUCHIKUMI



Yesu ngwenyi; “Yami, we uhindikilo ni we mwono yoze wafuliela muli Yami, chipwe mafwa hindu kumatwama ni mwono ni yoze ukwete mwono ni unafuliela muli Yami kechikafwa.” Yoano 11:25-26. Yoze mevwa liji Liami ni mamufuliela yoze waNgutumine, mwono wa miaka yeswe ali nawo ni kechikanjila mu upatwilo alioze hanakatuka ku kufwa ni hananjila mu mwono. Yoano 5:24. Mukwa Kristu keshi kwivwa woma wa kufwa. Tunasakwila kuli Zamboni unatwaha kukumba chetu muli Mwene Yesu Kristu. 1 Kor. 15:54-57.

Mutu yoze unavumbika Zamboni keshi woma wa kufwa. Ha ola ya kufwa yakukatuka hashi kanayi ni kuwaha ku zuwo lienyi ku malilu. Mwe apostolo Paulu ngwenyi; “Ngunazange kukatuka mu kupwa ni Kristu.” Mukwa Kristu wamwenemwene kanafwila kulimona meso ni meso ni Yesu yoze wamufwilile ni wamukulile ni manyinga jenyi ene. Mwe Spiritu Musandu kanamwiwulula maliji waze ambile Yesu, ngwenyi, “Mbunge jenu kanda jilipikala, nwafuliela kuli Zamboni, fulielenu nawa kuli yami. Mu zuwo lia tata muyili yipatulo yinji... Mungwiza cheka nawa ni mungunutambula kuli Yami, hanga kuze nguli kuzekwene enu nukapwe nawa. Yoano 14:1-14.

Liso kanda alimona chipwe twitwi kanda alivwa, chipwe kanda achinjila mu mbunge ya mutu yuma yize Zamboni wayilulikile hali waze akuMuzanga. 1 Kor. 2:9. Nilimwe limi lia hashi mulihasa kulumbununa kanawa uhenya wa yihela yize Zamboni walulikile ku malilu hali waze makumba hano hashi ni mafuliela kuli Yesu Kristu.

Ha kutala chizulie chino chamuchikumi tunewuluka kukatuka hashi cha mukwa Kristu wamwenemwene. Mu chihela cha mufu yoze unazange kumupinjisa tunamono mungelo wa Zamboni. Alma ni spiriti ya mutu hiyinatuka ku mujimba wenyi ni hiyinahumuka kuli Mwene Yesu. Mwe Zamboni tata ni Mwene Yesu mamusambilila kanawa lume ha kuheta chenyi kwilu. Mwene Yesu mamba ngwenyi, “Walinga kanawa kavumbi mupema, wakushishika, njila ku kuwaha cha Mwene we. Mat. 25:21. Satana keshi chiyulo hali iye nawa mumu kufwa cha akwa Kristu chinaleme ku meso ja Zamboni. Sal. 116:15. Nevwa liji ni kuhanjika kuli yami ku malilu ngwenyi; “Kawaha e afu a kufwa muli Mwene.” “Ewa,” ngwenyi Spiritu, hanga akahwime ku milimo yo ni yitanga yo ykaakaule. Uso. 14:13.

Zambi akukwase yena, mukwa kutanga mukanda uno ukalieche mbunge ye kuli Yesu. Mumu lye ngwenyi; "Mwanami, ungwehe mbunge ye." Neye makwaha mbunge yitoma ni masela spiriu mupema muli yena. Kanda utayize mbunge ye yakwonga kukupiasula ukakaule usolo wayo, mumu yoze wa kufuliela mbunge yenyi, mwenawo chihepuke. Yish. 28:26. Alioze yoze wakwenda nikulita ni mana mamupulula. Mbila shili ye ulalaminye ululi mumu fweto ya shili kufwa alioze chawana cha Zambi mwono wa miaka yeswe muli Yesu Kristu.

Nawahilila chikolo, Te mwilu mungutwamamo;
Nafuliela kuli Mwene Te Yesu wangufwilile, Mba muze mangutambika.
Hamwe ni anenyi, Kumungusakwila pundu;
Muze mungunjila mwilu.

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.angp-hb.co.za ou comme une Application "Heart of Man" sur telephones Android.

Este livro "O Coracao do Homem" e obtfdo em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.angp-hb.co.za ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtfdos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.

For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

www.angp-hb.co.za

info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations

Une Mission de litterature evangelique financee de dons

Missao de literatura Evangelica financiada por donativos

(Reg. No. 1961/001798/08)

The "HEART OF MAN" books can be viewed and downloaded using the following link:

www.angp-hb.co.za